

سنه لکی در سعادت ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

قانون مدنی

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

توضیحات

حسن خدمت مبنی طرز و قسط مونی و لایتری
عدلیه مفتی فضیلتو فیض اه افندی به حرمین محترمین
پایه سی و محکمه تمیز حقوق دائره سی میز لرندن فضیلتو
فائق افندی به از میر پایه مجردی توجیه بیورلمشدر .

نشان

محکمه تمیز اعضا سندن عطف و قتلو اسماعیل حق
بک افندی حضر تارینه برنجی رتبه دن مجیدی نشان
ذیشانی احسان بیورلمشدر .

تبلیغات

اوجیوز سنه سندن اول محکوم اولوبده هنوز
تحصیل قلمیان مصارف محاکمه بقایسنه ، طقسان طقوز
سنه سی غایه سنه دکن افراد ذمتنده کی مطلوبات خزیننه
عفویننه دائر بولنان اراده سنه حضرت بادشاهینک شمولی
اولوب اولدینی و برده مصارف محاکمه مدیونلرینک
بیقدرت اولدقلریننه دائر ابراز ایلدکری علم و خبر
اوزریننه امر تحصیل سعه حالریننه تعلیق اولنانلرک
محکومیتلری تاریخندن اعتباراً اون بش سنه مرور
ایتمش اولدینی حالد مرور زمان خصوصنده اصل
محکومیتلری تاریخ می یوقسه مرور زمانی قاطع
اولان علم و خبرلرک تاریخ می مبدأ اعتبار اولنه جنی
حقنده ادرنه استیناف محکمه سی مدعی عمومیلکندن
وقوعبولان اشعاره ، اعلانات جزائیله ایل محکوم
اولوب هنوز تحصیل ایدلمدیک بیان اولنان مصارف
محاکمه بقایسی اوجیوز تاریخندن مقدم حکم اولنان
حقوق امیریه دن معدود اوله رق با اراده سنه جناب
پادشاهی واقع اولان عفو عالیده داخل اولدینی کی
حکم تاریخندن اعتباراً اون بش سنه مرور ایتمش
اولدینی حالد تحصیل ایدلماش اولسنه و اصول محاکمات
جزائیله قانوننک در تیوز سکسان آلتنجی ماده سنده
(جنایت و جنحه و قباحندن طولانی حقوق شخصیه

جهتنجه وقوعبولش حکملاز لا بتغیر حاله کیردکری
تاریخندن اعتباراً اون بش سنه صکره ساقط اولور)
دیو محرر بولسنه نظراً سالف الذکر مصارف محاکمه
ایچون فقر حال علم و خبرلرینک تاریخنه اعتبار اولنیوب
ماده قانونیه حکمنجه اعلام تاریخنک مرور زمانه
مبدأ اتخاذ قلمق لازم کله جکی جوابی انجمن عدلیه
افاده سیله ویرلمشدر .

دیون محکومه دن طولانی دوائر اجراییه جه
فروختی اقتضا ایدن اموال غیر منقوله منادی واسطه
سیله مزاده چیقاریله رق مدت مزایده نک ختامنده
تقرر ایدن بدل ایله طالبی عهده سنه تفویضی بالا اجرا
بیکده یکرمی حسابیه اجرت دلایله سی استیفا و منا
دی به اعطا قلمقده ایسه ده بروجه محرر مزایده سی
اجرا قلنان بعض اموال غیر منقوله اصحابنک قبل
الاحاله افسای دین ایتمکده اولملرله فسخ مزایده
اولنه رق اموال مذکوره کندولریننه اعاده اولنمقده
وشو حالد ایسه منادی اجرت آله مامقده اولدینندن
و منادیلرک اثنای مزایده ده غیر منقولانک اولدینی
محله کیدوب برطاق مصارف اختیار ایتدکری حالد
مصارف مذکوره نک استیفا اولنه جفته دائر صراحت
قانونیه بولمغینندن بختله دلالرک ضرردن وقایه سی
ضمننده علی الاصول مزایده ده قونیلوبده موقت قرار
داده سی کشیده و غزته لرله اعلان اولندقدن صکره
اصحابنک تسویه دین ایتسندن طولانی فروختندن
صرف نظر ایدیلان املاکدن بدل مزایده نسبتنده
اجرتک نصفی اولان بیکده اون حسابیه دلایله اخذینه
مأذونیت اعطاسی حقنده در سعادت بدایت محکمه سی
ریاست اولاسندن اعطا قلنان مذکوره ، دلالر عامیه
صاحیلق ایلیان اجیر مشترک قبیلندن اولوب محله
احکامنه اجیر مشترک اجرته استحقاقی سعی و عمل
ایله اوله رق اجیر خاص کی مدت اجاره ده یالکر
حضور کی کفایت ایتیه جکندن و محله نک بشیوز یتش
یدنجی ماده سنده (بردلال بر مالی کزیر و بده صاته مسه
بعده صاحبی صاتقدده اول دلال اجرت آله ماز و دیگر
بردلال اول مالی صاندینی تقدیرده اجرت دلایله
کاملاً ایکنجی دلال آلوب اولکسی برشی آله ماز)

دیو محرر اولسنه نظراً بو خصوصده معتبر اولان
عمل مالی صاتمقدن عبارت اولوب مدت مزایده طرفنده
منادینک غیر منقولی صاتمق ایچون وقوعبولان نداسی
واعلانی کندوسنده اجرته استحقاق حاصل ایده جک
بر عمل اولدینندن بوله اجراجه فروختنه محل قلمیان
املاکک مجرد مزایده ده کزیر لمسندن طولانی دلالر
نه بروجه پشین ونه ده بالاخره اجرت اعطاسی موافق
قانون اوله میه جنی جوابی انجمن عدلیه افاده سیله
تبلیغ ایدلمشدر .

محاکمات و مقدمات

در سعادت جنایت محکمه سنده :

ارباب فساددن اولوب بالاتفاق بعض
حرکات خائنانه و ملغنتکارانه اجرا سنه تشبث
ایلدکری ادعا سندن طولانی اعظم جنایتله اتهام
ایدیلان فراری داماد محمود پاشا ایله بوشناق خواجه
قدری و سیرت هنوز در دست اولنه مامش
اولدقلرندن تاریخندن اعتباراً جانب ریاستندن
کندولریننه مجدداً اون کون مهل اعطا قلمشدر .
مهل معین ظرفنده کلدکری حالد قانونه
اطاعت ایتماش نظریله باقیله رق حقوق مدنیه دن
اسقاط قلنه جقلری و محاکمه غایبه لری اشناده
ماللرینک حجز آلتنه آنه جنی و بو صره ده بر
کونه ادعایه جقلری اوله میه جنی کی معامله
حجزیه حقنده دخی مدعی عمومیلکه تبلیغات
مقتضیه اجرا ایدلدیکی جهتله اصول محاکمات
جزائیله قانوننک اوجیوز یتش برنجی و اوجیوز
یتش ایکنجی ماده لری احکامنه توفیقاً اشبو
قرارنامه بالتنظیم اعلان اولنور

جلينه وكفالت ارأه ایده مدیكى حالده حبس وتوقيفه
و بوبابده كى قرارك موقتاً اجراسنه محكمه تجارت
بحريه جه قرار ويرلمش اولديغندن قانوننامه تجارتك
۱۷۰ نجى مادهسى موجبجه دائمی سديكلر انتخاب
اولمق اوزره اشبو ۳۱۷ سنهسى كانون نایسنك اون يديجى
بخشبه كونی ساعت یدى راده لرنده اصحاب مطلوبك
محكمه مذكوره نك افلاسه مخصوص اولان اوطه سنه
كللى اعلان اولنور .

ایکنجى محکمہ تجارتیه :

بك اوغلنده پانغالتيده بايزيد زقاغنده ۱۱۵ نو-
مرولى خانه ده ساكن ايكن ايكنجى محكمه تجارتدن
افلاسه حكم اولمش اولان نيغوغوص وارطانيان
ذمتنده آله جغنى اثبات ويا موقتاً قبول وقيد ايدير-
مش اولان آله جقلولرك قانوننامه تجارتك ۲۱۱ و آنى
ولى ايدن مادهسى موجبجه مفلس طرفندن تكليف
اولنه جق قونقورداتونك مذاكرهسى ايچون شهر حال
كانون ثانيك اون ايكنجى جمع ايرتسى كونی محكمه
مذكوره نك افلاس اوطه سنه كللى اعلان اولنور .
ژور قوميسر

استانبولده بالق بازارنده سونكر جيلرده ۱۶۵
نومرولى مغازده اجراى تجارت ايدر ايكن ايكنجى
محكمه تجارتدن افلاسه حكم اولمش اولان آهللو
واسيلونك ذمتنده آله جغنى اثبات ويا موقتاً قبول
وقيد ايدير مش اولان آله جقلولرك قانوننامه تجارتك
۲۱۱ و آنى ولى ايدن مادهسى موجبجه مفلس طرفندن
تكليف اولنه جق قونقورداتونك مذاكرهسى ايچون
شهر حال رومينك اون ايكنجى جمع ايرتسى كونی محكمه
مذكوره نك افلاس اوطه سنه كللى اعلان اولنور .
ژور قوميسر

محکمہ تجارت اصرا دأره سنديه :

فرانسه دولتى تبعه سندن موسيو داحداحك
متوفى عطابك زوجهسى دلبر خام ذمتنده برنجى
محكمه تجارت اعلاميله محكوم به آلاجنى اولان مبالغك
تأمين استيفاسى ضمننده مديونه مومى اليهانك عهده
تصرفنده اولوب داي مومى اليه عهده سنه وفاء مفروغ
بولنان قاضى كوينده عثمان اغا محله سنه مصرلى اوغلى
اراضيسنده واقع تحتباني وفوقانى طقوز اوطه و بر
طاوان آراسنى وكاركيير بودرومى ومطبخ ويوز يتمش
آرشون باغچه ومشمولات سائره ني حاوى اوست قايله
طاوان آراسى هنوز نا تمام اون سكر نومرولى اخشاب
بر باب خانه بوندن اقدام موقع مزايديه قونيله رق
ايراي عثمانى يوز غروش حسابيله اون بش بيك

غروشده طالبي عهده سنده قالمش وتاريخ اعلاندن
اعتباراً اوتوز بر كونه يعنى كله جك شباطك سكرنجى
جمع كونی ساعت اونه قدر يوزده بش ضم قبول
اولمىي و ذكر اولنان يوم وساعتده صوك مزايدهسى
بالاجرا قرار قطعىي ويريله رك طالبي عهده سنه
كچورلمسى مقرر بولمش اولديغندن و آندن صكره هر نه
ضم وقوعبولورسه قبول اولميه جغندن مذكور حصه يه
يوزده بش ضميله طالب اولانلرك ودها زياده معلومات
آلق ايستيانلرك مدت مرقومه ظرفنده بدل مزايده نك
عشريه مساوى پي آچه سيله برابر محكمه تجارت اجرا
دأره سنه مراجعت ايللى ويوم ووقت مذكوره
مذكور خانه پيشكاهنده حاضر بولملى دأره مذ-
كوره دن اعلان اولنور .

اعلامات نظامه اصرا دأره سنديه :

ماليه خزينه جليله نك ارضروم سنجانك يتمش
بش سنهسى واردات عشريهسى بدل التزامندن وجهت
كفالتدن طولاي چيوى اوغلى متوفى آنتى افندى ذمتنده
آلاجنى اولان مبالغ معلومه نك تأمين استيفاسيچون
مديون متوفانك عهده سنده اولوب وره سنه انتقال
ايدن بورغاز آطه سنده مناستر جاده سنده واقع اللى بر
نومرولى بر باب باغچه نك تمامى بالمزايده ايراي عثمانى
يوز غروش حسابيله اوتوز بيك يوز غروشده
مشتريسي امور تجاريه مديرى سعادتلو نيغولا كى افندى
حضر تلى عهده سنده تقرر اتمش ايسه ده مومى اليه
مذكور باغچه يي آلفندن وبدلى كوندرمىكن استنكاف
ايدرك بوصورته مزايديه فساد قارشيديرلدينى آكلا-
شلمش و بوندن طولاي اوتوز بر كون مدته تمديد
مزايديه لزوم قانونى كورلمش اولديغندن مذكور
باغچه نك تاريخ اعلاندن اعتباراً اوتوز بر كون مدته
مزايده سنه دوام اولنه رق معامله فراغيه نك اجرا
اولنه جنى و بدل مزايده ومصارفك سابقى مثللو اوتوز
بيك يوز غروش طالب ظهور ايتز ايسه اوست
طرفك مشتري سابق نيغولا كى افندى حضر تلى رندن
تضمن ايتديريه جكي مقرر بولندينى درسعادت
اعلامات نظاميه اجرا دأره سندن بتكرار اعلان اولنور .

آندونا كينك آصمه آلتنده ساكن ذابنه ولد
سيمون ذمتنده باعلام نظامى آلاجنى اولان مبالغك
تأمين استيفاسى ايچون مديونك عهده تصرفنده اولوب
حجز وفروختى قرارلشديريلان بالق بازارنده شيخ
محمد كيلانى محله سنده حلواجى زقاغنده واقع تخميناً
قرق سكر آرشون عرصه اوزرينه مبنى شهرى درت
يوز اللى غروش بدل ايجار ككتورر اون درت نومرولى
قهوه وينه محل مذكوره تخميناً اللى آرشون عرصه

اوزرينه مبنى فوقنده ايكي اوطه وشهرى اوچ يوز
الى غروش ايجار ككتورر اونبر نومرولى مغازه لرك
يوز اون بش سهم اعتباريله اون آلتى سهم بر پول
حصه سى آتمش بركون اجرا قلنان مزايده علنيه
نتيجه سنده ايراي عثمانى يوز غروش حسابيله بش
بيك يوز غروشده طالبي عهده سنده تقرر اتمش
وموقتاً قرار داده سى كشيده قلنش اولديغندن يوزده
بش ضميله طالب اولانلرك پي آچه ليله برابر تاريخ
اعلاندى اعتباراً اوتوز بر كونه قدر درسعادت
اعلامات نظاميه اجرا دأره سنه مراجعت ايللى
اعلان اولنور .

اعلامات شرعية اصرا دأره سنديه :

مرحوم محمد رشيد پاشانك مخدومى حمدى بكك
سعادتلو محمد نورالدين بك ذمتنده اوقاف هايون
مفتشكندن اعطا اولنان بر قطعه مقتضا اعلامى مو-
جبنجه آلاجنى اولان مبالغ معلومه نك تأمين استيفاسى
ضمننده مرهون وفروختى محكوم بولنان قرتال
قضاسته تابع نردبان قريه سنده صراى جديد نام محله
واقع زمينى مهر ماه سلطان وقفه مقاطعه لو يدى
نومرو ايله مرقم آروجه سلاملى ومشمولات سائره يي
حاوى بر باب ككوشك ايله تخميناً سكر بچق دويم
مقدارى اشجار مشمره وغير مشمره يي وكرومى مشتمل
برقطعه باغك اشبو تاريخ اعلاندى اعتباراً اون بش
كون صكره فروختنه تشبث اولنه جغندن طالب
اولانلرك پي سورمك و بوندن دها زياده تفصيلات
آلق ايستيانلرك مدت مذكوره ختامندن صكره
اعلامات شرعية اجرا دأره سنه مراجعت ايللى
اعلان اولنور .

مليك قضاسى بدایت محكمهسى سباسبنديه :

مليك قصبه سنك متره پوليد محله سندن ايكن
غيوبت ايدوب اقامتگاهى وزده اولدينى مجهول
بولنان متوفى ماريىا كى اوغلى ديمترى اوغلى آپوستول
عليه آدم اوغلى قهوه جى طشاش طرفندن اقامه
اولنان ايكي قطعه املاك فراغى دعواسنك محاكمه سى
شهر كانون ثانيك يكرمى آلتيجى جمع ايرتسى كونی
مليك بدایت محكمه سنجه اجرا اولنه جغندن يوم
مذكورده كليى ويا وكيل كوندرمىسى حقه حقه تنظيم
اولنان دعوتيه ورقه لرى محكمه ديوانخانه سنه تعليقاً
اعلان اولندينى كى اصول محاكمه حقوقيه قانونك
يكرمى التيجى مادهسى موجبجه كيفيت غزته ايله دخى
اعلان اولنور .